

四庫全書

子部

欽定四庫全書

欽定西清硯譜卷二十

石之屬

舊蕉白絨鎖硯

懋勤殿

舊蕉白雙螭硯

懋勤殿

舊蕉白鈎葉硯

昭仁殿

舊蕉白雙螭瓦式硯

舊蕉白龍池硯

自鳴鐘


舊蕉白爪峽硯賞皇十五子

舊綠端浴蓺硯


舊紫端朗月踈星硯

舊紅絲石鸚鵡硯

舊蕉白絨鎖硯正面圖



舊蕉白絨鎖硯背面圖



匪金人可絨口慎
絲綸宣以手用批
年如故友
乾隆戊戌御銘



舊蕉白絨鎖硯說


硯高四寸一分寬二寸五分厚五分舊端溪蕉葉白也長方式硯面正平墨池刻作鎖式上集鳳鳥一周刻絢紋外環卧螭側面周刻螭虎覆手鐫

御題銘一首楷書鈐寶一曰德充符匣蓋並鐫是銘隸書鈐寶一曰乾隆宸翰

御製舊蕉白紙鎖硯銘

匪金人可絨口慎絲綸宣以手用卅年如故友

舊蕉白雙螭硯正面圖



舊蕉白雙螭硯背面圖

臨池摘藻胥無進
硯如故也愿則信
乾隆戊戌御銘



舊蕉白雙螭硯說

硯高三寸八分寬二寸五分厚四分許舊水岩蕉
葉白也硯面受墨處深凹墨池刻作雙螭交紐邊
周刻卧蠶紋覆手鐫

御題銘一首楷書鈐寶一曰幾暇怡情是硯石質細而
有芒發墨宜筆製作亦極精緻匣蓋鐫

御題銘與硯同隸書鈐寶一曰乾隆宸翰

御製舊蕉白雙螭硯銘

臨池摘藻骨無進硯如故也愿則信


蕉蕉白瓠葉硯正面圖



舊蕉白瓠葉硯背面圖



舊蕉白瓠葉硯側面圖



舊蕉白鉢葉硯說

硯高二寸八分寬一寸八分許而下微斂舊端溪蕉葉白琢為鉢葉形近蒂處為墨池四周葉邊內卷以故硯體小而能聚墨不漏也池左旁微剝覆手刺為葉背小葉二歧出莖蔓宛然左方因石自然略加磨治彌見天趣側面周鑄


御題詩一首楷書鈐寶一曰古香匣蓋並鑄是詩隸書鈐寶二曰乾隆

御製題舊蕉白瓠葉硯


蕉葉白為瓠葉硯孰賓孰主莫能分笑他荷簣果哉者
厲揭徒論深淺云

--	--	--	--	--	--	--	--

舊蕉白雙螭瓦式硯正面圖 繪圖十分之七



舊蕉白雙螭瓦式硯背面圖



舊蕉白雙螭瓦式硯說


硯高六寸寬四寸厚五分水坑蕉白質極細潤仿
瓦式為之面周刻雙螭左右內向受墨處橢圓而
刻其上背如瓦筒穹起兩跗離几三分許上方有
金線豎文一道中鐫

御題銘一首楷書鈐寶二曰會心不遠曰德充符匣蓋
並鐫是銘隸書鈐寶同


御製舊蕉白雙螭瓦式硯銘

瓦為硯硯則賓也硯肖瓦瓦則名也賓與名幻則均也
供染翰實則存也伴綈几慎絲綸也味芸編以淑身也


舊蕉白龍池硯正面圖 繪圖十分之八



舊蕉白龍池硯背面圖



舊蕉白龍池硯側面圖



舊蕉白龍池硯說

硯高五寸三分寬三寸八分橢圓式而下稍豐厚一寸五分舊坑蕉葉白端石也側理為之膩潤如玉面周環帶文墨池中刻出水龍一左有鸚鵡眼一如龍之戲珠勢極飛動覆手深幾及寸右上方及下方長短二柱各有眼面邊及左跗微有剝缺側面周鑄

御題銘一首楷書鈐寶一曰得佳趣匣蓋內並鑄是銘

隸書鈴寶一曰幾暇怡情匣蓋外鐫龍池二字下有蕉林珍賞四字俱隸書傍有玉立二字長方印一查梁清標字玉立號蕉林正定人

本朝順治年間官至大學士精於鑒賞收藏法書名畫皆入神品是硯固亦舊製而經其鑒藏者


御製舊蕉白龍池硯銘

舊阮之白號蕉葉兮玉潤金堅剛柔協兮既圓而楮製
穩貼兮墨池弗涸有波疊兮龍守其珠緯蕭涉兮書而
供跳王之帖兮文而寓雕劉之勰兮問誰所珍蕉林篋
兮何來西清伴芸笈兮一誦旅葵慙弗悵兮

欽定四庫全書

卷二十一

舊蕉白瓜徙硯正面圖 繪圖十分之七



舊蕉白瓜瓠硯背面圖



瓜瓠蔓以成也性
相近習遠情也需
橋毫貴研精也吾
雅諫之硯不徒緬
周
御銘

舊蕉白瓜硯說

硯高六寸五分寬四寸七分左上方微削三之一
舊坑蕉葉白端石也色淨綠斜帶金線紋墨池凹
處形如瓜懸環刻葉蔓繞出硯背懸小瓜一兩側
駁落俱有天然石脈如澹金色下鐫


御題銘一首楷書鈴寶二曰比德曰朗潤匣蓋並鐫是
銘隸書鈴寶二曰幾暇怡情曰得佳趣

御製舊蕉白瓜硯銘

瓜繇徒蔓以成也性相近習遠情也濡墨摘毫貴研精
也吾於瓜徒之硯不徒緬周雅詠民之初生也

舊綠端浴鵞硯正面圖

繪圖十分之六



舊綠端浴鵞硯背面圖



舊綠端浴鵞硯下方側面圖

柳溪蘆岸極
幽閒坤數鵞
羣浴箇間不
必蘭亭景佈
置得之象外
破天慳
乾隆戊戌春
日御題



舊綠端浴鵞硯說


硯高六寸七分寬四寸一分厚二寸二分舊坑綠
端石色質俱佳硯面正平墨池深廣覆手深半寸
許刻柳溪蘆岸石峽瀑水噴珠濺玉浴鵞凡六極
生動之致雖不署款信佳手所製下方側鐫

御題詩一首楷書鈐寶二曰幾暇怡情曰得佳趣匣蓋
並鐫是詩隸書鈐寶二曰乾隆


御製題舊綠端浴鵞硯

柳溪蘆岸極幽閒
坤數鵞羣浴箇間
不必蘭亭景佈置
得之象外破天攄

舊紫端朗月跡星硯正面圖 繪圖十分之八



舊紫端朗月踈星硯背面圖



李氏淋沆何許
人踈星朗月識
龍賓應知作者
深於詠四字全
該摘句神
乾隆戊戌夏月
御題

舊紫端朗月踈星硯說


硯高五寸七分寬三寸八分許厚一寸一分水坑
紫端瑩潤如玉中涵青花硯面正平墨池作偃月
形上下左右鵲鵲活眼散布如星惟池中一眼凸
為柱池上方鐫青花紫玉朗月踈星八字池旁有
簾青主人銘五字款俱行書下有李淑沆印四字
方印一李淑沆無考左側及右邊俱有天然鱗血
斑硯背正平上為圓池如滿月下鐫

御題詩一首楷書鈐寶二曰會心不遠曰德充符匣蓋
並鐫是詩隸書鈐寶一曰幾暇怡情


御製題舊紫端朗月踈星硯

李氏淑沆何許人踈星朗月識龍賓應知作者深於詠
四字全該摘句神

舊紅絲石鸚鵡硯正面圖 繪圖十分之八



舊紅絲石鸚鵡硯背面圖



舊紅絲石鸚鵡硯說


硯高五寸寬三寸三分厚七分舊坑紅絲石為之
橢圓式琢為鸚鵡形色黃而澤硯面正平斜帶紅
絲縷縷墨池上左方鸚鵡首亦帶紅絲赤如雞冠
左顧作飲水狀左右側兩翼下垂下左方尾上捲
翎羽分明生動可愛覆手長方中鐫

御題詩一首楷書鈐寶二曰會心不遠曰德充符匣蓋
並鐫是詩隸書鈐寶一曰幾暇怡情考高似孫硯

箋載紅絲石出臨朐縣其色紅黃相間佳者絕不
易得故世罕流傳是硯紅絲映帶鮮艷逾常而質
古如玉洵為佳品

御製題舊紅絲石鸚鵡硯

鴻漸不羨用為儀石亦能言製亦奇疑是補衡成賦後
鏤肝吐出一絲絲



欽定西清硯譜卷二十

欽定四庫全書

子部

欽定西清硯譜卷二十一

詳校官中書_臣李彤

負外郎_臣牛稔文覆勘

總校官編修_臣王燕緒

校對官編修_臣吳省蘭

謄錄監生_臣葛瀛三

繪圖監生_臣門慶安

欽定四庫全書

欽定西清硯譜卷二十一

石之屬

舊龍尾石日月疊璧硯

方壺勝境

舊歙溪金星玉堂硯

舊歙溪石函魚藻硯

舊歙溪蒼玉硯

景福宮

舊洮石黃標硯


咸福宮

舊菴村石玉堂硯 懋勤殿


舊菴村石蘭亭硯 賞皇八子

朱彝尊井田硯 弘德殿

舊龍尾石日月宜璧硯正面圖



舊龍尾石日月疊璧硯背面圖



舊龍尾石日月疊璧硯側面圖

如月之恒如日之升 恒齋瑛

舊漢龍尾石日月疊璧硯側面圖
既環既迴而背受堂左右奇宜合璧其重雙九日月蹟紀石帆寶雲雲硯琢此龍賓盡發其來律以廉讓吾斯愧哉乾隆戊戌御銘

馬融尚書注太極上元十月朔日月如疊璧五余於戊辰十月朔登鷹窠頂擬觀合璧先一夕夢中得見月如合璧三周琢足硯以志異庶讓識

舊龍尾石日月疊硯說

硯高六寸三分寬四寸許厚七分許舊歙溪龍尾石也琢為日月合璧形受墨處外環石渠為墨池上隱偃月中鐫兩餅乾坤雙九日月八字篆書上方鐫沐日浴月光華生七字隸書旁有鹿原二字長方印一左側鐫識語五十四字下署廉讓識三字款俱楷書右側鐫如月之恒如日之升八字隸書下署恒齋瑛三字款行書覆手亦為合璧形可

受墨周環墨池而上方較深廣中鐫日月會於龍
尾六字後有識語十九字末有戊子三月香泉六
字款俱行書上方側面鐫

御題銘一首楷書鈐寶二曰古香曰太璞匣蓋並鐫是
銘隸書鈐寶二曰比德曰朗潤又鐫歲精於晦則
明養神以靜則安晦所以畜用靜所以應動善畜
者不竭善應者無窮此君子修身治人之術四十
一字後有戊子清明歐陽公晦明說為庶讓書疊

璧硯陳奕禧二十字款俱行書匣底內鐫天為蓋地為軫善用道者終無盡十三字後有汲冢書廡讓識於疊璧硯函款十一字亦俱行書考林佶號鹿原福建人陳奕禧號香泉曹三才號廉讓曹曰瑛號恒齋俱浙江人皆

本朝康熙年間人佶工古隸奕禧工行草曰瑛工分書有名於時鴈窠頂在浙江海鹽縣雲岫山相傳十月朔日月同度登絕頂觀之如合璧見查慎行

諸人詩集蓋三才製為此硯奕禧輩題識之耳

御製舊龍尾石日月疊璧硯銘


舊溪龍尾既琢既追面背受墨左右胥宜合璧其章雙
九日月蹟紀石帆寶雲墨說珍此龍賓盍簪其來律以
廉讓吾斯愧哉

曹三才識語 馬融尚書注太極上元十一月朔
日月如疊璧五余於戊辰十月朔登鷹窠頂擬觀
合璧先一夕夢中得見日月如合璧三因琢是硯
以志異

陳奕禧識語 廉讓得龍尾石琢疊璧硯因借用
國語以識其意

舊歙溪金星石玉堂硯正面圖

繪圖十分之五



舊歙溪金星石玉堂背面圖



舊歙溪金星石玉堂硯上方側面圖

金其星
玉堂具
式凡幾
百年墨
鏤沈寄
語括毫
製詞者
爾晉母
似有迹
心乾隆
戊戌夏
御題

舊歙溪金星石玉堂硯說

硯高八寸寬五寸一分厚一寸三分許歙溪老坑金星石也製為玉堂式色黝而澤徧體金星密布硯面微有駸蝕墨池深廣墨鏞濃厚覆手自上削下兩附離几九分許上方側面鐫

御題詩一首楷書鈐寶一曰會心不遠匣蓋並鐫是詩
隸書鈐寶一曰乾隆宸翰

御製題舊歙溪金星石玉堂硯

金其星玉堂其式凡幾百年墨鏤沈寄語拓毫製詞者
爾音母似有遐心

舊歙溪石函魚藻硯蓋外面圖



舊歙溪石函魚藻硯蓋內面圖



舊歙溪石函魚藻硯正面圖



舊歙溪石函魚藻硯背面圖



舊歙溪石函魚藻硯側面圖



舊歙溪石函魚藻硯說

硯圓徑三寸圍徑九寸厚六分剖歙溪石為之天然闊筭無斧鑿痕受墨處畧加礪治墨池刻作魚形蓋嵌玉魚一與硯池形式相應徧刻水波藻荇左右俱有剝蝕函側合縫處圍鐫銘二十字古篆文有數字不能辨硯背鐫


御題詩二首楷書鈐寶二曰比德曰朗潤匣蓋並鐫是詩隸書鈐寶同

御製題舊歙溪石園魚藻硯

分元為二合成一無縫天衣有樂魚宵雅設徵桑扈什
禹之所惡敢忘諸

陳家瑪瑙趙家石春渚稱奇載紀聞未肯在中還置水
恐防躍去沼之瀆

清歙溪蒼玉硯正面圖 繪圖十分之八



舊歙溪蒼玉硯背面圖

歙石貴純墨尤貴

唐開而宋盡矣蘊蓄數山水
而此為拔萃水中隱隱者山水
繪耶乾時黯黯者星月退耶
其磨厲我之八石烟也又不知幾
何歲矣

金廷對銘

舊歙溪蒼玉硯側面圖

康熙壬午

歙溪蒼玉

石友

舊歙溪蒼玉硯說

硯高五寸七分寬四寸二分上削四之一厚六分
舊坑歙谿石也隨硯材屈曲為之受墨處寬平直
下與墨池通硯首鐫歙溪蒼玉四字左側鐫康熙
壬午四字右側鐫石友二字俱行書硯背鐫銘五
十七字下署金廷對銘四字歙俱行書金廷對無
考是硯質理密緻眉紋隱起如枯松化石雖製作
未古而舊坑佳品亦正不易得也硯匣蓋鐫

御題銘一首隸書鈐寶一曰幾暇怡情上鐫白岳分雲
四字篆書

e

御製舊歙溪蒼玉硯銘


觀文含星抱質守黑黃海之松同生其宅曰維眉壽在
斐几之側

金廷對銘 歙石貴純黑尤貴唐開而宋盡矣蘊
蓄數百年而此為拔萃水中隱隱者山水繪耶乾
時黠黠者星月退耶其磨厲我之八石烟也又不
知幾何歲矣

舊泚石黃標硯正面圖



舊洮石黃標硯背面圖



舊沁石黃標硯側面圖

此器沁綠石之黃標也標有淺浮於面者多若新深色沉厚者少古硯銘有曰黃玉硯殆即見是等溫如蒸栗故呼為玉耶因室之特藏贊於左
周惕

燦黃香于須弥今掌管城之萬頃含
綠藁於崑崙今抱西江之千波拍兮
笑兮嘆兮磨兮清心裨夢需指招于

舊泚石黃標硯說

硯高三寸二分寬一寸七分許厚一寸臨泚石質
極細膩面背俱黃色中層微綠頗類松花石硯面
刻為佛手柑形近蒂處為墨池右上方綴小佛手
柑一梗葉掩映左側鐫贊四十二字右側鐫識語六
十字下有周惕二字款俱楷書覆手橢圓中鐫
御題銘一首楷書鈐寶一曰比德匪蓋並鐫是銘隸書
鈐寶一曰朗潤查惠周惕吳縣人

本朝康熙年間由翰林改官知縣是硯曾經收藏堪

脩譜中逸品

御製舊洮石黃標硯銘

臨洮綠石有黃其標似松花玉珍以年遙比之舊端郊
寒島瘦耶備一品圖左史右


惠周惕識語并贊 此臨洮綠石之黃標也標有
淺浮於面者多若斯深色沉厚者少古現銘有曰
黃玉硯殆即見是等溫如蒸栗故呼為玉耶因寶
之特載贊於左 燦黃香于須彌兮掌管城之萬
頃含綠蘂于崑岡兮掬西江之千波拈兮笑兮嗅

分磨分清心 禪夢需指招予

舊藏村石玉堂硯正面圖
繪圖十分之八



舊藏村石玉堂硯背面圖



剝蝕漫嫌體不全成
形物豈久長堅何年
用者玉堂客至署可
過八影磚

乾隆戊戌御題



舊麓村石玉堂硯說

硯高五寸一分寬三寸五分厚五分舊坑麓村石也質細而潤扣之作木聲有似端溪之老坑石製為玉堂式面背四周俱有剝蝕如未經磨礪者然墨鋪深裏堅如膠漆覆手鐫

御題詩一首楷書鈐寶二曰幾暇怡情曰得佳趣匣蓋並鐫是詩隸書鈐寶一曰德充符


御製題舊護村石玉堂硯

剝蝕漫嫵體不全成形物豈久長堅何年用者玉堂客
至署可過八影碑


舊履村石蘭亭硯正面圖 繪圖十分之五



舊藏村石蘭亭硯背面圖



舊菴村石蘭亭硯側面圖



舊蒨村石蘭亭硯覆手圖

永和九年歲在癸丑暮春之初會于會稽山陰之蘭亭脩禊事也羣賢畢至少長咸集此地有崇山峻嶺茂林脩竹又有清流激湍映帶左右引以為流觴曲水列坐其次雖無絲竹管弦之盛一觴一詠亦足以暢叙幽情是日也天朗氣清惠風和暢仰觀宇宙之大俯察品類之盛所以遊目騁懷足以極視聽之娛信可樂也夫人之相與俯仰一世或取諸懷抱悟言一室之內或因寄所託放浪形骸之外雖趣舍萬殊靜躁不同當其欣於所遇暫得於己快然自足不知老之將至及其所之既倦情隨事遷感慨係之矣向之所欣俛仰之間以為陳迹猶不能不以之興懷況脩短隨化終期於盡古人云死生亦大矣豈不痛哉每覽昔人興感之由若合一契未嘗不臨文嗟悼不能喻之於懷固知一死生為虛誕齊彭殤為妄作後之視今亦由今之視昔悲夫故列敘時人錄其所述雖世殊事異所以興懷其致一也後之覽者亦將有感於斯文

舊陂村石蘭亭硯說

硯高八寸三分寬五寸五分厚一寸九分陂村舊坑石也硯面及側面四周通刻蘭亭脩禊景及與會羣賢硯面天然水蛭為墨池池下平處為受墨處左方鐫晉王羲之詩三十二字左側面鐫王肅之詩十六字右側鐫王豐之詩十六字上方側鐫王彬之詩十六字下側鐫王凝之詩十六字覆手深一寸中鐫羲之蘭亭叙一首並行書不署書者姓

氏外附周鐫


御題詩一首楷書鈐寶一曰乾隆宸翰是硯質理堅潤
雕刻亦渾樸其為舊石舊製無疑匣蓋鐫

御題詩與硯同隸書鈐寶二曰乾隆


御製題舊履村石蘭亭硯

舊坑想出履村湄圖作蘭亭脩禊時韻事自來應入畫
雅人端合有深思崇山峻嶺依然在視昔猶今定不疑
欲告臨池摹帖者阿誰誠弗愧羲之

朱彝尊井田硯正面圖 繪圖十分之八



朱熹尊井田硯背面圖



朱彝尊井田硯下方側面圖

曝書亭
東考經
義井字
硯田第
欲平自
是伊人
思復古
可知復
古實難
行
戊戌夏
御題

朱彝尊井田硯左方側面圖

秀水朱彝尊銘

朱彝尊井田硯說

硯高四寸六分許寬二寸八分厚八分許端溪水坑石質理細潤受墨處微凹斜連墨池上下微露陽文井字四角俱有剝蝕覆手內界陰文井字中圓如井口環鐫銘九字篆書左側面鐫秀水朱彝尊銘六字行書下方側鐫

御題詩一首楷書鈴寶一曰古香匣蓋並鐫是詩隸書鈴寶一曰幾暇怡情查朱彝尊號竹垞秀水人

本朝康熙年間試博學鴻詞授檢討所著述有經義
考及曝書亭集等甚夥集中亦載是銘

御製題朱彞尊井田硯

曝書亭裏考經義井字硯田磨欲平自是伊人思復古
可知復古實難行

朱彞尊銘 井爾井田爾田宜豐年

欽定西清硯譜卷二十一